



Griffiths, ep. tit. Gazensis, aux. Neo-Eboracensis, Aemilius De Smedt, ep. Brugensis, David De Sousa, ep. Funchalensis, Gabriel Garrone, arch. Tolosanus, Ioseph D'Avack, arch. Camerinensis, Aurelius Del Pino Gómez, ep. Illerdensis, Dionysius Hurley, arch. Durbanianus, Ioseph Ruotolo, ep. Uxentinus et S. Mariae Leucadensis, Alfredus Ancel, ep. tit. Myrinensis, aux. Lugdunensis, Paulus Seitz, ep. Kontumensis.

Facultati loquendi Conradus Mingo, arch. Montis Regalis, renunciavit.

Hora 12,10 reposito S. Evangelii codice, praeses preces *Agimus... Angelus Domini...* recitavit, et secretarius generalis intimavit proximam congregationem generalem die 20 novembris habendam.

XXIII

Congregatio generalis vicesima tertia habita est die 20 novembris, feria III, hora 9 ante meridiem. Interfuerunt 2211 Patres, nempe 65 cardinales, 8 patriarchae, 9 primates, 397 archiepiscopi, 1626 episcopi, 10 abbates nullius, 11 praelati nullius, 85 superiores generales.

Missa de Spiritu Sancto celebrata est ritu romano a P. D. Carolo Humberto Rodríguez Quiròs, arch. S. Ioseph in Costa Rica. Chorus Cappellae Sixtinae executus est cantus: *Confirma hoc Deus, O memoriale mortis Domini, Crux fidelis.*

Post Missam P. D. Ioannes Gahamanyi, ep. Astridaensis, S. Evangelii codicem super paratum thronum statuit, et card. Ioseph Frings precem *Adsumus...* recitavit.

Intimatione facta: *Exeant omnes*, secretarius generalis ex ambone proclamavit nomen praesidis congregationis et annuntiavit prosecutionem disceptationis de principiis generalibus constitutionis dogmaticae *de fontibus revelationis*. Ipse legit Patrum nomina, qui loqui postulaverant.

Ad loquendum ex ordine a praeside vocati sunt Georgius Cabana, arch. Sherbrookensis, Bernardinus Echeverria Ruiz, ep. Ambatensis, Fidelis García Martínez, ep. tit. Sululitanus, Michaël Klepacz, ep. Lodzensis, Henricus Nicodemo, arch. Barenensis.

Hora 10,25 praeses disceptationem interrupit et secretarius generalis ex ambone legit propositionem consilii praesidentiae de opportunitate interrumpendi necne disceptationem schematis *de fontibus revelationis*.

Praeses, card. Frings, subiunxit se ex toto corde ad propositionem accedere. Deinde propositio a subsecretariis in variis linguis (gallica, hi-



spanica, germanica, anglica, arabica) lecta est, et a secretario generali iterum enuntiata.

Card. Ruffini, de licentia praesidis, explicavit « interruptionem » significare remissionem schematis ad commissionem ut reficeretur. Secretarius generalis explicavit valorem suffragii *placet* et *non placet*.

Interim continuata est disceptatio. Ad loquendum vocatus est P. D. Antonius Quarracino, ep. S. Dominici Novem Iulii, qui non aderat, ideoque locutus est P. D. Geraldus de Proença Sigaud, arch. Adamantinus.

Dein praeses iterum sensum propositionis explicavit et ad loquendum de schemate in genere ex ordine vocavit P. D. Antonium Quarracino (qui interdum ad suum locum redierat), Aloisium Carli, ep. Signinum, Victorium M. Costantini, ep. Suessanum, P. Anicetum Fernandez, magistrum generalem O. P., Iulium Barbetta, ep. tit. Pharanitanum, Ioannem Ferro, arch. Rheginensem, Franciscum Franić, ep. Spalantensem et Macarscensem.

Iuri loquendi renuntiavit Eduardus Doody, ep. Armidalensis.

Hora 11,55 secretarius generalis ex ambone admonuit exitum suffragationis die subsequenti communicatum iri, et novum schema discutiendum — quidem feria VI proxima, si iuxta suffragationis exitum schema esset mutandum — fore illud *de instrumentis communicationis socialis*.

Deinde Patrum nomina legit, qui de cap. 1 schematis *de fontibus revelationis* loqui postulaverant.

Ex ordine ad loquendum vocati sunt: cardd. Eugenius Tisserant, ep. Ostiensis, Portuensis et S. Rufinae, Ernestus Ruffini, arch. Panormitanus, Vincentius Jacono, ep. tit. Patarensis.

Hora 12,20 secretarius generalis, de mandato praesidis, suffragationis peractae exitum nuntiavit. Cum suffragium *placet* non attigisset maioritatem requisitam (duas ex tribus partes), de mandato praesidis continuanda erat discussio *de fontibus revelationis*.

Reposito S. Evangelii codice, praeses preces *Angelus... Agimus...* recitavit et secretarius generalis intimavit proximam congregationem generalem die 21 novembris habendam.

XXIV

Congregatio generalis vicesima quarta habita est die 21 novembris, feria IV, hora 9 matutina. Interfuerunt 2186 Patres, nempe 66 cardinales, 7 patriarchae, 9 primates, 393 archiepiscopi, 1606 episcopi, 10 abbates nullius, 11 praelati nullius, 84 superiores generales.

Missa celebrata est ritu Byzantino-Ucraino a P. D. Gabriele Bukatko,